

**BOSNA I HERCEGOVINA
FEDERACIJA BOSNE I HERCEGOVINE
VLADA**

Prijedlog

ODLUKA

**O PRIHVATANJU ZADUŽENJA PO SPORAZUMU O ZAJMU I PROJEKTU
IZMEĐU KREDITANSTALT FÜR WIEDERAUFBAU (KfW), BOSNE I
HERCEGOVINE, FEDERACIJE BOSNE I HERCEGOVINE I JAVNOG
PREDUZEĆA ELEKTROPRIVREDA BOSNE I HERCEGOVINE D.D. SARAJEVO
ZA REALIZACIJU PROJEKTA IZGRADNJE HIDROELEKTRANE JANJIĆI**

Sarajevo, mart 2014. godine

Na osnovu člana 40. stav 5. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09 i 44/10) Predstavnički dom Parlamenta Federacije Bosne i Hercegovine na _____ sjednici održanoj _____ godine i Dom naroda Parlamenta Federacije Bosne i Hercegovine na _____ sjednici održanoj _____ godine d o n o s i

ODLUKU

O PRIHVATANJU ZADUŽENJA PO SPORAZUMU O ZAJMU I PROJEKTU IZMEĐU KREDITANSTALT FÜR WIEDERAUFBAU (KfW), BOSNE I HERCEGOVINE, FEDERACIJE BOSNE I HERCEGOVINE I JAVNOG PREDUZEĆA ELEKTROPRIVREDA BOSNE I HERCEGOVINE D.D. SARAJEVO ZA REALIZACIJU PROJEKTA IZGRADNJE HIDROELEKTRANE JANJIĆI

I.

Prihvata se zaduženje Federacije Bosne i Hercegovine (u daljem tekstu: Federacija) po Sporazumu o zajmu i projektu između Kreditanstalt für Wiederaufbau (u daljem tekstu: KfW), Bosne i Hercegovine (u daljem tekstu: BiH), Federacije i Javnog preduzeća Elektroprivreda Bosne i Hercegovine d.d. Sarajevo (u daljem tekstu: JP EPBiH), u iznosu od 30.000.00,00 EUR za realizaciju Projekta izgradnje hidroelektrane Janjići (u daljem tekstu: Projekt).

II.

Sredstva zajma iz tačke I. ove Odluke koristit će se za izgradnju hidroelektrane Janjići, koja ima za cilj uvođenje dodatnih 68 GWh godišnje električne energije na postojeću električnu mrežu u Bosni i Hercegovini, koristeći hidro-energiju bez zagađenja, što će dalje doprinijeti zaštiti klime i okoline i povećanju sigurnosti u snabdijevanju električnom energijom, te daljem rastu ekonomije u BiH.

III.

Sredstva zajma iz tačke I. ove Odluke, odobravaju se Federaciji pod sljedećim uslovima:

- iznos zajma.....30.000.000,00 EUR-a
- rok otplate.....15 godina
- grace period.....4 godine
- naknada za neiskorištena sredstva.....0,25 % godišnje
- kamatna stopa..... utvrđena na bazi efektivni troškovi refinansiranja KfW na tržištu kapitala za euro +/- marža i utvrđuje se na dan potpisivanja Sporazuma o zajmu i projektu.
- naknada za upravljanje zajmom je.....1 % jednokratno
- dospijeća.....polugodišnje u jednakim otplatama glavnice
- datum plaćanja glavnice i kamata.....30. juni i 30. decembar svake godine
- iz sredstava zajma se ne mogu plaćati carine, porezi i druge dažbine

IV.

Potvrđuje se da je razmatrana dokumentacija prihvatljiva za Federaciju, a posebno:

- Zapisnik sa pregovora,
- Nacrt Sporazuma o zajmu i projektu između KfW, BiH, Federacije i JP EPBiH;

V.

Sredstva zajma iz tačke I. ove Odluke Federacija će na kreditnom osnovu prenijeti na JP EPBiH, koja je krajnji korisnik i dužnik po zajmu.

U periodu implementacije Projekta, u budžetu Federacije nije potrebno osigurati finansijska sredstva za dodatno sufinansiranje Projekta.

VI.

Zadužuje se Federalno ministarstvo finansija-Federalno ministarstvo financija da sa JP EPBiH usaglasi i sklopi odgovarajući Podugovor o zajmu i projektu kojim će, u svrhu redovne otplate, definirati uslove vraćanja sredstava koja se prenose na kreditnom osnovu.

VII.

Daje se saglasnost za zaključivanje Supsidijarnog sporazuma između BiH i Federacije i Podugovora o zajmu i projektu između Federacije i JP EPBiH za sredstva iz tačke I. ove Odluke.

Za potpisivanje Supsidijarnog sporazuma i Podugovora o zajmu i projektu, ovlašćuje se federalni ministar finansija - federalni ministar financija.

VIII.

Za realizaciju ove Odluke i izvještavanje zadužuju se Federalno ministarstvo finansija - Federalno ministarstvo financija, Federalno ministarstvo energije, rudarstva i industrije i JP EPBiH, svako u okviru svoje nadležnosti.

IX.

Implementacija Sporazuma iz tačke I. ove Odluke ne zahtijeva donošenje novih ili izmjenu postojećih zakona.

X.

Ova Odluka stupa na snagu narednog dana od dana objavljivanja u "Službenim novinama Federacije BiH".

O B R A Z L O Ž E N J E

Pravni osnov

Pravni osnov za donošenje ove Odluke sadržan je u članu 40. stav 4. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br: 86/07, 24/09 i 44/10), koji propisuje pitanja vanjskog zaduženja Federacije i procedure za zajmove. Izmjenom Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, broj: 44/10) u članu 40. stav 5. predviđeno je da Vlada Federacije Bosne i Hercegovine nakon prihvatanja nacrtu kreditnog sporazuma i utvrđivanja Prijedloga odluke, istu dostavlja Parlamentu Federacije BiH na usvajanje.

Razlozi za donošenje

Donošenjem ove Odluke stvara se osnov za potpisivanje Supsidijarnog sporazuma između BiH i Federacije, a zatim će Federacija sredstva zajma dalje proslijediti JP EPBiH kao krajnjem dužniku i korisniku kredita za Projekt izgradnje HE Janjići.

Sredstva zajma će se koristiti za izgradnju HE Janjići koja će, sa pretpostavljenim instaliranim kapacitetom od 13,2 MW, biti klasična protočna elektrana i radit će pod nominalnim opterećenjem s ciljem postizanja maksimalne proizvodnje električne energije. Protok iz akumulacije je jednak protoku u akumulaciju, a protok u rijeci nizvodno od brane je prirodni protok rijeke.

Prednosti koje se očekuju provođenjem ovog Projekta su sljedeće:

- uvođenje dodatnih 68 GWh godišnje električne energije na postojeću električnu mrežu BiH koristeći hidro-energiju bez zagađenja,
- povećanje sigurnosti u snabdijevanju električnom energijom,
- dalji rast ekonomije BiH, i
- doprinos zaštiti klime i okoline.

Na osnovu rezultata Studije izvodljivosti finansirane iz grant sredstava KfW-a, kojom je potvrđena tehnička i ekonomska opravdanost izgradnje HE Janjići, KfW je u decembru 2012. godine, izvršio procjenjivačku misiju i pokrenuo postupak odobravanja kredita putem resornog ministarstva Vlade SR Njemačke.

Obrazloženje pojedinih tačaka

Tačka I. je nužna kako bi se prihvatio zajam koji se realizira putem Kreditanstalt für Wiederaufbau, Frankfurt Am Main.

Tačkom II. potvrđuje se namjena utroška sredstava zajma.

Tačkom III. precizirani su uslovi zajma.

Tačkom IV. potvrđuje se da je dokumentacija parafirana tokom pregovora sa KfW-om prihvatljiva za Federaciju BiH, što je uslov da BiH, KfW, Federacija i JP EPBiH pristupe potpisivanju Sporazuma o zajmu i projektu.

Tačkom V. se definira način implementacije Projekta, te da nije potrebno osigurati dodatna sredstva u Budžetu Federacije za ovu namjenu.

Tačkom VI. se definira obaveza Federalnog ministarstva finansija-Federalnog ministarstva financija da sa JP EPBiH usaglasa i sklopi odgovarajući Podugovor o zajmu i projektu.

Tačkom VII. daje se saglasnost za zaključivanje Supsidijarnog sporazuma o zajmu sa BiH i Podugovora o zajmu i projektu između Federacije i JP EPBiH i ovlaštenje federalnom ministru finansija - federalnom ministru financija da u ime Federacije potpiše iste.

Tačkom VIII. u okvirima nadležnosti definira se obaveza za realizaciju Odluke i izvještavanje.

Tačkom IX. se potvrđuje da za implementaciju Sporazuma o zajmu i projektu nije potrebno donijeti nove ili izmijeniti postojeće zakone.

Tačka X. propisuje stupanje na snagu ove Odluke.